



**Komisija za pravdu, ljudska prava i građanske slobode**

Broj: 01-04-6417-2/26

Sarajevo, 27.04.2026. godine

Na osnovu čl. 34. i 39. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, broj 41/12, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), i čl. 3. i 4. Poslovnika o radu Komisije za pravdu, ljudska prava i građanske slobode od 23.10.2023. godine, s a z i v a m

**23. SJEDNICU KOMISIJE ZA PRAVDU, LJUDSKA PRAVA I GRAĐANSKE  
SLOBODE SKUPŠTINE KANTONA SARAJEVO**

Sjednica će se održati u **Srijedu, 29.04.2026. godine**, u sali 100/I Kantona Sarajevo, ulica Reisa Džemaludina Čauševića 1/I, sa početkom u **12:00 sati**.

Za ovu sjednicu predlažem slijedeći:

**DNEVNI RED**

1. Usvajanje zapisnika sa 22. sjednice Komisije od 05.03.2026. godine;
2. Prijedlog Zakona o izmjenama i dopunama Zakona o unutrašnjim poslovima Kantona Sarajevo;
3. Prijedlog Zakona o izmjenama i dopunama Zakona o policijskim službenicima Kantona Sarajevo;
4. Prijedlog Zakona o nabavljanju, držanju i nošenju oružja i municije;
5. Prijedlog Zakona o komunalnoj policiji Kantona Sarajevo;
6. Prijedlog Zakona o izmjeni i dopunama Zakona o koncesijama-hitni postupak;
7. Razmatranje predstavke Frašto Elvira, u vezi postupanja JU “Kantonalni centar za socijalni rad” - Služba Novi Grad;
8. Tekuća pitanja;

Materijali za predloženi dnevni red su dostupni na službenoj stranici Skupštine Kantona Sarajevo: [www.skupstina.ks.gov.ba](http://www.skupstina.ks.gov.ba)

Molimo da sjednici prisustvujete, a u slučaju spriječenosti izostanak najavite na email: [amela.smailagic@skupstina.ks.gov.ba](mailto:amela.smailagic@skupstina.ks.gov.ba)

Dostaviti:

- Članovima Komisije (putem emaila);
- Ministarstvo unutrašnjih poslova Kantona Sarajevo, n/r ministra (za tačke 2., 3., 4.);
- Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, n/r ministra (za tačku 5.);
- Ministarstvo privrede Kantona Sarajevo, n/r ministra (za tačku 6.),



**PREDSJEDAVAJUĆA KOMISIJE**  
Arijana Memić, s.r.



**Komisija za pravdu, ljudska prava i građanske slobode**

Broj: 01-04-6417/26

Sarajevo, 05.03.2026. godine

**ZAPISNIK**

**sa 22. sjednice Komisije za za pravdu, ljudska prava i građanske slobode, održane 05.03.2026. godine sa početkom u 09:00 sati**

**Sjednici Komisije su prisustvovali:** Arijana Memić, predsjedavajuća Komisije, Rusmir Pobrić zamjenik predsjedavajuće, Vedrana Vujović-članica, Nadir Sijerčić, Miroslav Vujčić, Hadžibegić Vedad vanjski članovi Komisije.

Odsutni: Smiljana Viteškić- član.

Predsjedavajuća Komisije Arijana Memić je predložila, a članovi Komisije **jednoglasno** prihvatili i usvojili slijedeći:

**DNEVNI RED**

1. Usvajanje zapisnika sa 20. sjednice Komisije od 15.12.2025. godine;
2. Prijedlog Odluke o prihvatanju ostavke premijera i razrješenju Vlade Kantona Sarajevo;
3. Prijedlog Zakona o izmjenama i dopuni Zakona o komunalnoj čistoći-skraćeni postupak;
4. Nacrt Zakona o legalizaciji građevina i drugih izvedenih radova u prostoru izgrađenih bez odobrenja za građenje;
5. Nacrt Zakona o izmjenama i dopunama Zakona o unutrašnjim poslovima Kantona Sarajevo;
6. Nacrt Zakona o izmjenama i dopunama Zakona o policijskim službenicima Kantona Sarajevo;
7. Nacrt Zakona o nabavljanju, držanju i nošenju oružja i municije;
8. Tekuća pitanja;

**AD-1.**

**Usvajanje zapisnika sa 20. sjednice Komisije od 15.12.2025 godine;**

Zapisnik sa 20. sjednice od 15.12.2025. godine usvojen je jednoglasno.

**AD-2.**

**Prijedlog Odluke o prihvatanju ostavke premijera i razrješenju Vlade Kantona Sarajevo;**

Predsjedavajući Komisije za izbor i imenovanja i administrativna pitanja Skupštine Kantona Sarajevo, Elvedin Okerić, je članove Komisije upoznao da je Komisija za izbor i imenovanja i administrativna pitanja utvrdila Prijedlog Odluke o prihvatanju ostavke premijera i razrješenju Vlade Kantona Sarajevo, prema proceduri propisanoj Poslovníkom Skupštine, a nakon što je premijer Kantona Sarajevo podnio ostavku. Naveo je nadalje, da će ova tačka biti razmatrana na sutrašnjoj sjednici Skupštine Kantona Sarajevo.

Po okončanoj diskusiji, Komisija za pravdu, ljudska prava i građanske slobode Skupštine Kantona Sarajevo, nakon izlaganja predsjedavajućeg Komisije za izbor i imenovanja i administrativna

pitanja Skupštine Kantona Sarajevo, Okerić Elvedina, **jednoglasno je podržala Prijedlog Odluke o prihvatanju ostavke premijera i razrješenju Vlade Kantona Sarajevo;**

#### **AD-3.**

##### **Prijedlog Zakona o izmjenama i dopuni Zakona o komunalnoj čistoći-skraćeni postupak;**

Predstavnik Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, je članovima Komisije obrazložio sadržaj izmjena koje su planirane ovim Zakonom. Naveo je da je planiran obračun naplate prema članovima domaćinstva, a da i dalje ostaje obračun prema metru kvadratnom, kao i da je korisnik objekta obaveznik plaćanja. Istakao je da se radi o malim izmjenama zakona, stoga je predložen skraćeni postupak. Član Komisije Miroslav Vujčić je istakao primjedbu da nije u redu da plaća neko ko ne živi u objektu, te da treba nastaviti sa paušalnim plaćanjem kao i do sada. Predstavnik Ministarstva je replicirao da komunalna preduzeća prolaze svakako tom rutom, troše svoje resurse, pa je to razlog traženih izmjena (uz ostale navedene u ovom prijedlogu Zakona).

Po okončanoj diskusiji, Komisija za pravdu, ljudska prava i građanske slobode Skupštine Kantona Sarajevo nakon izlaganja predstavnika Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, i provedene diskusije, **uz 1 glas „PROTIV” (M. Vujčić) i 2 glasa „SUZDRŽAN” (V. Vujović i R. Pobrić), nije podržala Prijedlog Zakona o izmjenama i dopuni Zakona o komunalnoj čistoći-skraćeni postupak;**

#### **AD-4.**

##### **Nacrt Zakona o legalizaciji građevina i drugih izvedenih radova u prostoru izgrađenih bez odobrenja za građenje;**

Predstavnik Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, obrazložio je sadržaj ovog Nacrta Zakona. Naveo je da je ovo posljednji pokušaj legalizacije za objekte koji su vidljivi na fotosnimku, sa jasno utvrđenim rokovima za predaju dokumentacije, a u skladu sa planskim dokumentima Kantona Sarajevo. U okviru diskusije član Komisije Miroslav Vujčić je izrazio svoje neslaganje sa predloženim zakonom i istakao da ljudi sagrade nelegalno i da će se ovim Zakonom to legalizovati, dok poštteni građani imaju mnogo problema dok dok dobiju “papire”, kao i da se zna gdje se može podnijeti plan za legalizaciju, a gdje ne može. Članica V. Vujović je postavila pitanje šta je sa urbanističkim planom, i da li je ministarstvo u komunikaciji sa Zavodom za izgradnju u vezi sa primjenom ovog Zakona i da bi se trebalo raditi po urbanističkom planu, bez obzira na Zakon. Predstavnik ministarstva je replicirao da bi se zakon trebao primjenjivati od 01.01.2017. godine, tako da je sada teško govoriti o efektima. Član Komisije Nadir Sijerčić je istakao da je u pitanju viša sila i da je precizirano ko može, a ko ne može legalizirati, te da bi trebalo sopriječiti buduće nelagodne gradnje i buduće ovakve situacije, koje se pokušavaju riješiti ovim Zakonom. Nadalje, član Komisije Miroslav Vujčić je postavio upit da li postoji Zakon o sprečavanju nelegalne gradnje? Predstavnik ministarstva je replicirao da postoji Zakon o prostornom uređenju i građenju i inspekcije koje djeluju na terenu, shodno ovom zakonu, radi sprečavanja nelegalne gradnje. Član Komisije R. Pobrić je replicirao da moraju postojati eliminatorni kriteriji šta se može legalizovati, a šta ne (član 14. Nacrta Zakona), te je istakao je da će se za legalizaciju po ovom Zakonu morati priložiti isti dokumenti kao prilikom izgradnje kuće.

Po okončanoj diskusiji, Komisija za pravdu, ljudska prava i građanske slobode Skupštine Kantona Sarajevo nakon izlaganja predstavnika Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo i provedene diskusije, **sa 1 glasom PROTIV (M. Vujčić) i 5 glasova SUZDRŽAN (A. Memić, R. Pobrić, V. Vujović, N. Sijerčić, Hadžibegić V.), nije podržala Nacrt Zakona o legalizaciji građevina i drugih izvedenih radova u prostoru izgrađenih bez odobrenja za građenje;**

#### **AD-5.**

**Nacrt Zakona o izmjenama i dopunama Zakona o unutrašnjim poslovima Kantona Sarajevo;** Sekretar Ministarstva unutrašnjih poslova Kantona Sarajevo, Tarki Kršlak je obrazložio pravni osnovi razloge za donošenje ovog Zakona, a to je unapređenje rada Ministarstva .

**Komisija za pravdu, ljudska prava i građanske slobode Skupštine Kantona Sarajevo nakon izlaganja sekretara Ministarstva unutrašnjih poslova Kantona Sarajevo i provedene diskusije, jednoglasno podržala Nacrt Zakona o izmjenama i dopunama Zakona o unutrašnjim poslovima Kantona Sarajevo;**

#### **AD-6.**

**Nacrt Zakona o izmjenama i dopunama Zakona o policijskim službenicima Kantona Sarajevo;**

Sekretar Ministarstva unutrašnjih poslova Kantona Sarajevo, Tarki Kršlak je obrazložio pravni osnov i razloge za donošenje ovog Nacrta Zakona, Pojasnio je da se radi o angažovanju pomoćne policije, kao i da je usklađen sa novim tehničkim mogućnostima, kao i da je novim kadrovskim promjenama smanjena mogućnost diskriminacije prilikom prijavljivanja na konkurs za policijske službenike. Članica V. Vujović je iznijela problem iz prakse, odnosno diskriminaciju studanata mirovnih studija koji su bili diskriminirani i isključeni iz procedure. Sekretar je replicirao da sigurno nije utvrđena diskriminacija problem je bio u bodovanju provog ciklusa studija 180-240 bodova, a ovim izmjenama je prevaziđena bilo kakva diskriminacija. V. Vujović je navela da neko ko je master iz oblasti sigurnosnih studija nema mogućnost da postane mlađi inspektor. **Po okončanoj diskusiji, Komisija za pravdu, ljudska prava i građanske slobode Skupštine Kantona Sarajevo, nakon izlaganja sekretara Ministarstva unutrašnjih poslova Kantona Sarajevo i provedene diskusije, jednoglasno podržala Nacrt Zakona o izmjenama i dopunama Zakona o policijskim službenicima Kantona Sarajevo;**

#### **AD-6.**

**Nacrt Zakona o nabavljanju, držanju i nošenju oružja i municije;**

Sekretar Ministarstva unutrašnjih poslova Kantona Sarajevo, Tarki Kršlak je obrazložio pravni osnovi razloge za donošenje ovog Nacrta Zakona, a to usklađivanje sa aktima Evropske unije, pooštrevaju se propisi za dobijanje dozvole za nošenje oružja (npr. ukoliko je osoba optužena za femicid neće dobiti dozvolu), također uvodi se provjera zdravstvene sposobnosti kao i provjera kako se čuva oružje. Predsjedavajuća Komisije Arijana Memić je navela da je podnijela zastupničku inicijativu za poboljšanje izgleda oružanih listova i unaprijeđenje njihovog sadržaja, u smislu da imamo sve podatke na jednom mjestu. Nadalje, članove Komisije je informisla da je ista inicijativa podnesena i od strane dopredsjedavajuće Danijele Kristić. Sekretar Ministarstva je informisao da će biti riješeno po ovim inicijativama. Članica Komisije Vedrana Vujović je postavila pitanje da li postoji neki drugi propis koji reguliše nabavku oružja A kategorije, kao i šta je sa zaštitom infrastrukture? Sekretar Ministarstva je replicirao da ne postoji takav zakon na nivou Fedracije, već Kanton ima svoje zakone. **Po okončanoj diskusiji, Komisija za pravdu, ljudska prava i građanske slobode Skupštine Kantona Sarajevo, jednoglasno je podržala Nacrt Zakona o nabavljanju, držanju i nošenju oružja i municije;**

#### **AD-7.**

U okviru tačke dnevnog reda nije bilo otvorenih pitanja.

PREDSJEDAJUĆA KOMISIJE

Sjednica završena u 11:38 h

Arijana Memić

Zapisnik sačinila: Amela Smailagić-Čamdžić



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: [skupstina@skupstina.ks.gov.ba](mailto:skupstina@skupstina.ks.gov.ba)

**Šalje:** elvir frašto <el.frašto@gmail.com>

**Poslano:** ponedjeljak, 13. april 2026. 13:13

**Prima:** centar.novigrad@kcsr.ba <centar.novigrad@kcsr.ba>; Skupština Kantona Sarajevo <skupstina@skupstina.ks.gov.ba>; info@anticorruks.org.ba <info@anticorruks.org.ba>

**Predmet:** Predstavka Komisiji za ljudska prava – Hitna intervencija zbog diskriminacije i kršenja prava djeteta (Elvir Frašto)

You don't often get email from el.frašto@gmail.com. [Learn why this is important](#)

Poštovani članovi Komisije,

Obraćam Vam se u ime svoje dvoje maloljetne djece i u svoje lično ime, sa zahtjevom za hitno razmatranje postupanja JU "Kantonalni centar za socijalni rad" – Služba Novi Grad.

Smatram da su radom ove službe, pod rukovodstvom Nine Miković, grubo narušena naša osnovna ljudska prava, pravo na ravnopravan tretman pred zakonom, te prava djeteta garantovana UN Konvencijom.

Osnovni razlozi za moju predstavku su:

Sistemska diskriminacija i razdvajanje braće: Iako stručno mišljenje CSR Ilidža nalaže da braća (Džan i Arman) trebaju boraviti kod oca u isto vrijeme (svaki drugi vikend), CSR Novi Grad donosi rješenje kojim ih razdvaja, namećući termine svake nedjelje. Time se djeci direktno uskraćuje pravo na zajedničko odrastanje i jačanje bratske veze.

Falsifikovanje istorije slučaja: Služba Novi Grad je svjesno u službenoj ispravi navela da se ja "tek sada pozivam" na noćenje djeteta, ignorišući materijalnu istinu da moj stariji sin već 5 godina u kontinuitetu boravi na noćenju kod mene. Ova laž je iskorištena da se mlađem sinu odredi apsurdan rok prilagođavanja od 12 mjeseci, umjesto stručno predloženih 3 mjeseca.

Finansijsko nasilje i ugrožavanje djeteta: Centar je odredio iznos alimentacije potpuno ignorišući moju zakonsku obavezu izdržavanja starijeg djeteta. Ovakvim postupanjem direktno se ugrožava egzistencija mog prvog sina, a mene se dovodi u stanje socijalne potrebe, što je u suprotnosti sa svrhom socijalne zaštite.

Pravna nesigurnost: Izdato rješenje je pravno ništavo jer ne sadrži rok uplate alimentacije, što ukazuje na to da služba svjesno proizvodi neupotrebljive akte kako bi produžila agoniju ove porodice.

**ZAHTJEV:**

Molim Komisiju da, u okviru svojih nadležnosti za zaštitu ljudskih prava i rodnu ravnopravnost, zatraži hitno očitovanje Ministarstva za rad i socijalnu politiku KS o radu Službe Novi Grad, te da insistira na poštovanju stručnih mišljenja koja štite najbolji interes djeteta i ravnopravnost roditelja.

U prilogu dostavljam Mišljenje CSR Ilidža i sporno Rješenje CSR Novi Grad kao dokaz navedene diskriminacije.

S poštovanjem,  
Elvir Frašto